

Statuts da la uniùn Cuminànza Culturala Val Schons

I. Directivas generalas

num/liac

Art. 1

La Cuminànza Culturala Val Schons e egn'uniùn politicameing a cunfessiunalmeing independenta agl sen digl artetgel Art. 60ff. ZGB.

La uniùn â la sia sedia a 7432 Ziràn-Reschen.

Intent

Art. 2

La uniùn administrescha egna atgna facultad. Quella vean duvrada par projects culturals ca promovon la cuminànza an la Val Schons.

La uniùn promova igl lungatg rumàntsch an la Val Schons. Par que intent vean oravànttut duvrada la facultad digl legat da Wieland Clopath digls 5 da november 1998.

dretg aplitgevel

Art. 3

Par aplitgear igl dretg vean sareferieu agls statuts ad agls reglamaints ca sabasan sen quels, sch'igl dat betga otras leschas ca pratendan prezedenza.

egualitad

Art. 4

Determinaziùns da parsùnas a da funcziùns agls statuts ad agls reglamaints sarefereschan ad amadus geners, sch'igl cuntegn da quellas pretenda betg anzatge oter.

II. Cumembrànza

acquisiziùn/
fegn

Art. 5

Cumembers san davantar parsùnas natiralas a giuridicas. La suprastànza dezeda sur da l'acquisiziùn da cumembers.

La cumembrànza feta antras la mort, antras la sortida da l'uniùn, sch'anzatgi vean sclos near scha la parsùna giuridica saschleia.

La cumembrànza san'ign betga vender ad ear betga relaschar. Parsùnas ca bandùnan l'uniùn ân nigns dretgs sen la facultad da l'uniùn.

dretg da vuschar

Art. 6

Mintga cumember â egna vusch.

Ign sa betga tarmeter egna substituziùn.

recusaziùn

Art. 7

Mintga cumember vean sclos digl dretg da vuschar scha l'uniùn sto prender dezisiùns sur d'egna fatschenda near sur d'egna daspeta giuridica trànter el, igl sieus partenari near egna parsùna c'e parainta an lingia directa, d'egna vart, a l'uniùn da l'otra vart.

contribuziùns da cumembers Art. 8
Iglis cumembers en ublieus da pajear las contribuziùns c'en vagnidas dezididas a la radunànza da delegos. L'obligaziùn da far egn pajamaint suplementar e sclossa.

Cumembers par veta antiera ston betga pajear contribuziùns.

visada Art. 9
Ign sa bandunar l'uniùn mintgame sen la fegn digl on da l'uniùn, la visada sto vagnir anunztgeada 3 mains avànt.

obligaziùns/
exclusiùn Art. 10
Mintga cumember e ublieu da mantaner igls interess da l'uniùn, da sataner ved igls statuts, ved igls reglamaints a ved las dezisiùns.

Cumembers c'ageschan ancùnter igls interess da la uniùn san vagnir sclos an la radunànza da cumembers.

III. Organisaziùn

organs Art. 11
Iglis organs da l'uniùn en
a) la radunànza da cumembers
b) la suprastànza
c) igl post da revisiùn

III. A. Radunànza da cumembers

organ superiur Art.12
Igl organ superiur e la radunànza da cumembers.

incumbensas /
cumpetenzas Art. 13
La radunànza da delegos â las savundàntas incumbensas a cumpetenzas:
a) Apruvaziùn digl protocol da la davosa sasida da cumembers.
b) Prender cunaschientscha digl raport anual digl president.
c) Prender cunaschientscha digl pareri digls revisurs, apruvaziùn digl quant anual a la dastgargia da la suprastànza.
d) Ligida digl president
e) Ligida digls ulteriurs cumembers da suprastànza
f) Ligida digls revisurs
g) Revocaziùn da la suprastànza a digl post da revisiùn or da motivs impurtànts.
h) Determinaziùn da las contribuziùns da cumembers
i) Prender cunaschientscha digl budget
j) Prender dezisiùns sur da dumondas da la suprastànza a digls cumembers.
k) Midadas digls status
l) Exclusiùn da cumembers
m) Prender dezisiùns sur d'egn schliamaint da l'uniùn a sur digl diever digl ratgeav da liquidaziùns

radunàntza da cumembers ordinaria	<p>Art. 14 La radunàntza da cumembers ordinaria â liac egn'ea ad on.</p> <p>A la radunàntza da cumembers ordinaria vignan oravànttut fatgas las ligidas, igl vean prieu ancûnter igl pareri a las dumondas digl post da revisurs, igl vean dezidieu sur digl quent anual, igl vean do la dastgargia a la suprastàntza ad igl vean dezidieu sur da l'òlteztga da la contribuziùn anuala.</p>
radunàntza da cumembers extraordinaria	<p>Art. 15 Egna radunàntza da cumembers extraordinaria sa vagnir pratandida d'egna tschentgavla part digls cumembers cun numnar igl motiv. Ella sto vagnir organisada da la suprastàntza an tearma da dus mains.</p>
anvid	<p>Art. 16 Igl anvid cun la glista da tractandas e'gl da tarmeter agls cumembers par e-mail near cun posta seglmains 10 gis avànt la radunàntza.</p>
tractandas	<p>Art. 17 La radunàntza da cumembers sa me dezeder sur da fatschendas tractandadas.</p>
cumpetenzza da dezeder	<p>Art. 18 Mintga radunàntza da cumembers c'e vagnida convotgeada tanor urden e bùna da dezeder ear scha me pocs cumembers en preschaints.</p>
vuschadas/ ligidas	<p>Art. 19 Ligidas a vuschadas vignan fatgas da maniera aviarta sch'egn cumember pratenda betga da far ellas da maniera secreta.</p> <p>Sch'egna lescha near igls statuts pratendan betga igl cuntrari mûnta igl sempel surple digls cumembers preschaints.</p>
egualitad da las vuschs	<p>Art. 20 Sch'igl dat egna egualitad da las vuschs tier projects da lescha dezeda igl president.</p> <p>Sch'igl dat egna egualitad da las vuschs tier ligidas vean vuscho egna savund'ea. Suainter dezeda la sort.</p>
tains d'ufezi	<p>Art. 21 Igl tains d'ufezi da las parsùnas ligidas antscheva igl gi suainter l'elecziùn.</p>
midadas digls statuts	<p>Art. 22 Egna midada digls statuts antiera near parziala vean dezidida da la radunàntza da cumembers.</p> <p>Par egna midada e'gl dabasegns da ver duas tearzas da las vuschs digls cumembers preschaints.</p>
Schliamaint da l'uniùn	<p>Art. 23 Igl schliamaint da l'uniùn vean dezidieu an la radunàntza da cumembers. Par igl schliamaint da l'uniùn e'gl dabasegns da ver duas tearzas da las vuschs digls cumembers preschaints.</p>

Scha l'uniùn vean schlieada va la facultad da quella an egn'organisaziùn c'e libra da pajear taglias a ca persequitescha igl madem near egn samagliànt intent. Igl e scumando da repartgir daners trànter cumembers.

III. B. Suprastànza

cumposiziùn	Art. 24 La suprastànza cunsista da 3 antocen 5 cumembers. Ign sa liger 1 antocen 2 substituets.
cunstituiziùn	Art. 25 Cun exzepziùn digl president sacunstituescha la suprastànza.
tains d'ufezi	Art. 26 Igl cumembers da la suprastànza vignan ligieus a la radunànza da cumembers par egn perioda da dus ons. Ign sa liger els nunlimitadameing.
incumbensas/ cumpetenzas	Art. 27 La suprastànza magna las fatschendas actualas a rapreschainta quellas anviers anor. Ella sa dezeder sur da tut quegl c'e betga vagnieu surdo explizitameing ad egn oter organ. La suprastànza â spezialmeing igls savundànts duers: a) Anvidar a las radunànzas da cumembers ordinarias ad extraordinarias, preparaziùn da las fatschendas, raportar a tgantar las dumondas. b) Manar protocols, manar cudeschs da fatschenda, far igls quents anuals, manar egn glista da cumembers c) Decretar reglamaints d) Execuziùn digls statuts a digls reglamaints e) Acquistar cumembers f) Includer parsùnas digl fatg a surdar incumbensas par cuntànscher las fegnamiras da l'uniùn a pajear ellas par lur lavur da maniera comensurada
sasidas	Art. 28 La suprastànza saremna aschi savens sco'gl fa dabasegns. Mintga suprastànt sa giavischar egn sasida sch'el numna la raschùn. .
cumpetenzas da dezeder	Art. 29 La suprastànza e buna da dezeder scha seglmain 3 parsùnas en preschaintas. Las dezisiùns vignan pridadas cun egn sempel surple da las vuschs. Sch'igl â madem blearas vuschs tier projects da lescha dezeda igl president. Tier ligidas dezeda la sort.

dezisiùns
zircularas Art. 30
Scha nign digls suprastànts â anzatge ancùnter, valan ear las dezisiùns pridas an moda zirculara sen veia postala near electronica.

indemnisaziùn Art. 31
Iglis suprastànts prestan lavur an ufezi d'anur. Els ân igl dretg da survagnir igls daners par las spesas.

III. C. Post da revisiùn

cunstituziùn Art. 32
Igl post da revisiùn cunستا da duas parsùnas ca dastgan betga agl madem mumaint far part da la suprastànza.
Igl sa liger egn antocen dus substituets.

tains d'ufezi Art. 33
Iglis revisurs vignan ligieus par dus ons.

Igl sa liger els nunlimitadameing.

incumbensas Art. 34
Iglis revisurs ân an mintga cass da controlar scha
a) igls quents da la fatschenda a la bilàntscha coraspundan a la cudeschùn ad a las quitànzas.
b) igl rendaquent a la facultad cunstatan.
c) las dezisiùns da la suprastànza a da la radunànza da cumembers vignan realisadas.

dretgs Art. 35
Igl post da revisiùn â adigna igl dretg da prender investa agls cudeschs, an las quitànzas, an la cassa ad agls protocols a da s'infurmar agl detagl.

raport/
dumondas Art. 36
Igl post da revisiùn dat giou egn raport a scret par màns da la radunànza da cumembers. Els dumondan quella d'apruvar near da refusar igl quent anual.

Igl post da revisiùn sa ear tschantar ulteriuras dumondas a la radunànza da cumembers.

IV. Finànzas

mieds finansials Art. 37
Iglis mieds finansials c'en dabasegns par cuntànscher las fegnamiras da l'uniùn sacumponan da:
a) contribuziùns da cumembers
b) contribuziùns digl mán public
c) donaziùns a da tutas sorts contribuziùns
d) ulteriuras antradas

gudogn Art. 38
Igl gudogn digl on vean mess digl tutafatg tier la facultad da l'uniùn.

on da gestiùn Art. 39
Igl on da gestiùn antscheva igls 1. da schaner a feta igls 31 da dezember.

V. Dretg da sutascripziùn a duer d'indemnisaziùn

dretg da
sutascripziùn Art. 40
Igl president â anzemel cun egn oter cumember da la suprastànza igl dretg da la sutascripziùn par l'uniùn.

duer
d'indemnisaziùn Art. 41
Igl duer d'indemnisaziùn â suletameing la facultad da l'uniùn. Igl duer d'indemnisaziùn parsunal digls cumembers da l'uniùn e sclossa.

VI. Protecziùn da datas

protecziùn da
datas Art. 42
Igl vean me elavuro datas da parsùnas, agl rom da las disposiziùns legalas existaintas, c'en basignevas par cumplanir igl intent da l'uniùn.

Igls cumembers en d'acords, ca lur datas vignan surdadas ad egn'organisaziùn tetgala.

Igls cumembers en d'acords, ca lur datas vignan surdadas ad oters cumembers par las activitads da l'uniùn.

Igls cumembers en d'acords ca lur datas vignan ear surdadas a tearzas parsùnas agl interiur ad agl exteriur (sponsurs, reets sozias, etc.)

VII. Directivas finalas

antrada an vigur Art. 43
Quels statuts ramplazan quels digls 3 d'october 2020.

Els en vagnieus apruvos a la radunànza da cumembers digls 3 da november 2023 a van an vigur subit.

Pignia, igls 4 da november 2023

Igl president

L'actuara

Andrea Cantieni

Gierina Michael